

Katerimaartarnernut, ininut kikkunnit tamanit iserfigineqarsinnaasunut assartuutinullu killilersuigallarnert pillugit Namminersorlutik Oqartussat nalunaarutaat nr. 28, 31. juli 2020-meersumut ilitsersuut.

Naalackersuisut saaffiginnissutinik, aaqqissuussinernut atatillugu nalunaarummi killilersuutinik paasinninnissamut tunngasunik arlalinnik tigusaqarput. Pingaartumik qanoq ilinerani aaqqissuussinernut, tassungalu illoqarfinni allani aaqqissuussinerit ilanngullugit peqataasoqarsinnaaneranut maleruagassat paatsuungatitsipput.

§ 1-imi ”katersuunnernut naalackersuinikkut allatulluunniit isummernissamik siunertalinnut”-mi atuutsitsiviunnginnerup paasineqarnissaanut ilitsersuut

Naalackersuinikkut siunertallit

- Naalackersuineq pillugu katersuunnerit, Inatsisartunit, Naalackersuisunit, Kommunalbestyrelsinit naalackersuinikkullu partiinit aaqqissuunneqartut.
- Katersuunnerit, sulisartut peqatigiiffiinit, soqutigisaqaqatigiinnit, timersoqatigiiffinnit il.il. tunngavimmikkut naalackersuinikkut allatulluunniit isummernissamik siunertalinnik aallaaveqanngitsunit aaqqissuunneqartut, taamaattorli matuma kinguliani allassimasut takukkit.

Allatut isummernissamik siunertallit

- Katersuunnerit isummorsorfiusut katersuunnerupput, inuiaqatigiinni issutsinik saqqummiussiviusut, soorlu akerliussutsimik takutitsiviusut.
- Sulisartut peqatigiiffiata, soqutigisaqaqatigiit, timersortartut peqatigiiffiata il.il. katersuunnermik, allatut imaluunniit naalackersuinikkut isummernissamik siunertalimmik aaqqissuussinnaanera pisussaangitsutut oqaatigineqarsinnaangilaq.
- Katersuunnerilli taamaattut allatut isummernissamik imaluunniit naalackersuinikkut isummernissamik siunertanik ilaqartinneqassanngillat.
- Taamaattumik ataatsimeersuarnerit ataatsimiinnerilluunniit assingusut atuutsitsinngiffiusunut ilaatinneqassanngillat, ataatsimiinnerit taamaattut aamma isummernissamik naalackersuinikkulluunniit siunertaqarfiusarmata.
- Katersuunnerit allatut isummernissamit imaluunniit naalackersuinikkut isummernissamit allaanerusunik siunertaqarfiuppat, allatut isummernissamut siunertaqarfiusut katersuunnernut immikkoortunut inissinneqassapput.
- Tassalu katersuunnerit taamaattut maleruagassat assigiinngitsut marluk malillugit suliarineqartassapput:
 - Katersuunnernut allatut isummernissamik imaluunniit naalackersuinikkut isummernissamik siunertaqarfiusunut katersuunnissamut inerteqquteqarneq atuutissanngilaq.
 - Allatut katersuunnerit katersuunnissamut inerteqquteqarnermik atuutsitsinnginnissamut ilaatinneqanngillat.

Taakku saniatigut naatsorsuutigineqarpoq, Nakorsaaneqarfiup eqqiluisaarnissamut aamma naapertuuttumik pissusilersornissamut innersuussutai kikkunnit tamanit malinneqassasut.

Aaqqissuussinerit tamaasa ataatsimut isigalugit (taamaallaat aaqqissuussinerit § 1-imi ilaasut pinnagit):

Illut iluini aaqqissuussinerit:

- Inini taamaallaat inuit isersimasinnaatitaasut, qatserisartoqarnermi oqartussaasunit akuerineqartut affaat (50%-it) isersimasinnaapput, *aamma*
- inuit amerlanerpaamik 100-uusinnaapput.

Silami aaqqissuussinerit:

- Inuit amerlanerpaamik 250-iusinnaapput.

Taakku saniatigut naatsorsuutigineqarpoq, Nakorsaaneqarfiup eqqiluisaarnissamut aamma naapertuuttumik pissusilersornissamut innersuussutai kikkunnit tamanit malinneqassasut.

§ 2,4: ”aaqqissuussinerit il.il., peqataaniarnermi kommuninit allanit angalaqqaarluni peqataaffigineqarsinnaasut” pillugit nassuiaanissamut ilitsersuut

Kommuninit allanit tikinnissamut inerteqquteqarnermik atuutsitsiviunngitsut

- Oqalugiartooq, pikkorissartitsineri ilitsersuisooq, nipilersortartut imaluunniit isiginnaartitsisartut, ilinniartitsiniarlutik isiginnaartitsiniarlutilluunniit tikittut nalunaarut eqqarsaatigalugu *peqataasutut isigineqanngillat*, aammalu kommunit killeqarfii qaangerlugit angalasinnaatitaallutik. Assersuutigalugu ilitsersuisut nuna tamakkerlugu qatserisartunik pikkorissartitsisussat ilinniartitsiartorlutik kommunimiit kommunimut angalasinnaapput. Taamatuttaaq assersuutigalugu kommunimi innuttaasunik ataatsimiititsisoqarsinnaavoq.
- Ataatsimiinnerit nalinginnaasut kommunit killeqarfii qaangerlugit angalanissamut inerteqquteqarnermut ilaatinneqanngillat. Ilaatigut tamatuma kingunerisaanik suliffeqarfiit inuussutissarsiutinik ingerlataqartut ataatsimiititaliallu ataatsimiissinnaapput, taamaattumillu ulluinarni ingerlatsinernut allanillu ingerlatsinernut killilersuisoqanngilaq.
- Ulluunerani neqeroortit, atuarfiit ilinniarfiillu namminersortut pisortanillu pigineqartut nalunaarummut ilaatinneqanngillat. Ilinniakkat ingerlanneqarsinnaassappata aammalu ilinniartitaanerit naammassineqarsinnaassappata, kommunit killeqarfii qaangerlugit angalasinnaanissaq pisariaqarpoq.

Taakku saniatigut naatsorsuutigineqarpoq, Nakorsaaneqarfiup eqqiluisaarnissamut aamma naapertuuttumik pissusilersornissamut innersuussutai kikkunnit tamanit malinneqassasut.

Kommuninit allanit tikinnissamut inerteqquteqarnermik atuutsitsiviusut

- Aaqqissuussinernut peqataajartorluni kommunimut allamut angalanissaq inerteqqutigineqarpoq.

Tassani *peqataaniartut*, timersornermi unammersuarnernut, tusarnaartitsinernut, pikkorissartitsinernut, isumasioqatigiissitsinernut assigisaannullu peqataajartorlutik *kommunimut allamut angalaqqusaanngitsut* pineqarput.

Aaqqissuussinerit qanoq ittuugaangamik ataatsimeersuarnernik, pikkorissarnernik, isumasioqatigiinnernik il.il. imaluunniit ataatsimiinnernik taaneqartarpat:

- *Ataatsimeersuarneq* tassaasarpog ataatsimiinneq annerusoq pisortatigoortorlu, oqalugiarnert assigiinngitsut oqallinnerillu aqutigalugit peqataasut ilisimasaminnik, misilittakkaminnik isummersuutiminnillu avitseqatigiiffigisaat. *Peqataasut ilisimasaqalernissartik naatsorsuutigisarpaat.*
- *Pikkorissartitsineq* tassaasarpog ilinniartitaaneq sivikinnerusoq, ullormik ataatsimik amerlanerusunilluunniit sivilissuseqartoq. Ataatsimik ikittunilluunniit ilinniartitsisoqartarpoq ilitersuisoqartarluniluunniit, aammalu sammisat aalajangersimasut pillugit ilinniarnervuq, pilersaarusiukkamik tulleriinnilerlugu ingerlanneqartussa. *Peqataasut ilisimasaqalernissartik naatsorsuutigisarpaat.*
- *Isumasioqatigiinnermi* ilisimasamik piginnaasanillu peqataasunut ingerlatitseqqittoqartarpoq. Nalinginnaasumik saqqummiussisoqartarpoq tamatumalu kingorna oqallittoqartarluni. *Peqataasut ilisimasaqalernissartik naatsorsuutigisarpaat.*
- *Sammisaqartitsineq* tunngaviummik ataatsimiinnerunngilaq. Peqataasut saqqummiussiniarlutik, oqallinniarlutik, misileraaniarlutik isumassiaminnillu avitseqatigiinniarlutik peqataasarpog. *Peqataasut ilisimasaqalernissartik naatsorsuutigisarpaat.*
- *Ataatsimeersuarneq.* Ataatsimeersuarnernik paasinnitarneq nalinginnaasog – naak ataatsimut suliassat iluarsiniarneqarnissaat pineqarsinnaagaluartog – ataatsimiittarnernik paasinnittaatsip avataaniippoq. Ataatsimeersuarnerit nalinginnaasumik ukiumoortumik pisarput, taamaattumillu ulluinnarni ingerlatsinermut ilaanatik.
- *Ataatsimiinnerit illuatungeriilluni* naapinnissamik *isumaqatigiissutaasarpog.* Ataatsimiinnernut paasinnittarnermi nalinginnaasumi inuit ikinnerpaamik marluk *ataatsimut suliamik/suliassamik* ataatsimik amerlanerusunilluunniit siuarsaniarlutik naapittarput, taakkunanilu ataatsimeeqataasut ataasiakkaat ataatsimiinnermi *angusassanut tapersiinnissamut* periarfissaqarnissaat naatsorsuutigineqartarpoq. Peqataasussat siumoortumik ilisimaneqareertarput killeqareertarlutillu. (Ataatsimiinneq kommunimi allami ingerlanneqartussaagaluarpuunniit ataatsimiinnermut peqataasogarsinnaavoq).